

〈21 出到品〉

頁 196

一、是乘何處出，至何處住

《大智度論》卷 50〈21 出到品〉(大正 25，420c2-12)：

「是乘何處出，至何處住」者，佛答：「是乘從三界中出，至薩婆若中住。」

問曰：是乘為是佛法？為是菩薩法？若是佛法，云何從三界出？若是菩薩法，云何薩婆若中住？

答曰：是乘是菩薩法，乃至金剛三昧；是諸功德清淨，變為佛法。

是乘有大力，能有所去，直以至佛，更無勝處可去，故言「住」。譬如劫盡火燒三千世界，勢力甚大，更無所燒，故便自滅；摩訶衍亦如是，斷一切煩惱，集諸功德，盡其邊際，更無所斷，更無所知，更無所集故，便自歸滅。

二、「未一、標釋不二」

《大智度論》卷 50〈21 出到品〉(大正 25，420c12-18)：

「不二法」者，斷諸菩薩著故說。

此中佛自說：「大乘、薩婆若」，是二法——不一故不合，不異故不散；六情所知盡虛妄故「無色、無形、無對、一相」。

問曰：先言「不一故不合」，今何以言「一相」？

答曰：此中言「一相，所謂無相」，無相則無有出至佛道；為引導凡夫人故，說言「一相」。

三、「申一、舉實際等無為法為類」

《大般若波羅蜜多經》卷 416〈19 出住品〉(大正 07，89a7-12)：

善現！諸有欲令無相之法有出住者，則為欲令真如空、實際、不思議界、安隱界、寂靜界、斷界、離界、滅界空亦有出住，然真如空乃至滅界空，不能從三界中出，亦不能至一切智智中住。何以故？真如空真如空自性空，乃至滅界空滅界空自性空故。

《大智度論》卷 50〈21 出到品〉(大正 25，420c18-27)：

「實際」者，是諸法末後實相，無出無入；若有狂人欲使實際出至佛道者，此人則欲

使無相法出。如、法性、法相，如先說。

「不可思議性」者，

有人言：即是如、法性、實際，無量無邊，心心數法滅，故言不可思議。

復有人言：過實際、涅槃，更求諸法實，若有若無，是名不可思議。

復次，一切諸佛法，無有能思惟籌量者，故名不可思議。

復有人言：一切諸法，分別思惟，皆同涅槃相，是不可思議。

頁 197

四、「申四、舉大小因行空為類」

《大智度論》卷 50〈21 出到品〉(大正 25, 421a6-14)：

問曰：六波羅蜜有道俗，俗可著故可說空；出世間六波羅蜜、三十七品乃至十八不共法，無所著故，何以說空？

答曰：諸菩薩漏未盡，以福德、智慧力故行是法，或取相愛著故。

凡夫法虛妄顛倒，此法從凡夫法邊生，云何是實？

以是故，佛說是亦空，以喻無相法。

頁 198

五、「申六、舉但名字等空為類」

《大般若波羅蜜多經》卷 416〈出住品 19〉(大正 07, 90b26-c1)：「善現！諸有欲令無相之法有出住者，則為欲令名字、假想、施設、言說空亦有出住，然名字、假想、施設、言說空不能從三界中出，亦不能至一切智智中住。何以故？名字、假想、施設、言說空名字、假想、施設、言說空自性空故。」

《大智度論》卷 50〈21 出到品〉(大正 25, 421a14-16)：

諸法皆空，但有名字、相、假名、語言；今名字等亦空，以喻無相，第一義中不可得；世俗法中有相。

名字等假名相義，如先說。¹

六、「是乘何處住」

《大智度論》卷 50〈21 出到品〉(大正 25, p421a28-b5)：

問曰：上言「是乘到薩婆若，更無勝法可去」，今何以復說「是乘無住處」？

答曰：先說「以空、不二法故言住」，如幻、如夢，雖有坐臥行住，非實是住；菩薩亦如是，雖言「到薩婆若住」，亦無定住。

* 本「補充講義」整理厚觀法師編《大智度論講義》及開仁法師所提供之講義，彙整而成。

¹ 《正觀》第 6 期，p.138：參見《智度論》卷 25 (大正 25, 246a23-c24)，卷 36 (326b20-327a19)，卷 41 (358a17-c8)，卷 42 (364c1-365a15)。

佛此中自說：「一切法從本已來無住相，云何獨大乘有住？若有所住，以畢竟空法住。」

頁 199

七、「午二、舉譬明雙非」

《大智度論》卷 50〈21 出到品〉(大正 25，421b5-11)：

譬如：如、法性、法相、實際，非住、非不住，不生不滅，不垢不淨，不起不作。

「不住」者，自相中不住；「非不住」者，異相中不住。

「不住」者，說空破有；「非不住」者，說世諦方便有住。

「不住」者，說無常破常相；「非不住」者，破滅相。

此中佛自說：「法性、法性相空。何以故？自相空故。乃至無起無作諸餘法亦如是。」

八、「午二、舉四法無所有釋」

《大智度論》卷 50〈21 出到品〉(大正 25，421c22-26)：

「出」者，行是乘到佛道邊出。

又復以成就故名「出」——以是乘成就薩婆若，是名為「出」。

此中佛自說空因緣：「乘」者，是六波羅蜜。「所用法」者，是慈悲、方便等諸法，六波羅蜜所不攝。出者，是菩薩——是三法皆空。

頁 200

九、不可得

《大智度論》卷 50〈21 出到品〉(大正 25，422a3-15)：

問曰：有二種不可得：一者、有法，智慧少故不能得；二者、有大智慧，推求不能得。此云何不可得？

答曰：是法無故不可得。

問曰：一切法本末不可得，於人有何利益？

答曰：此中佛自說：「畢竟清淨故。」

「畢竟」者，若行者依「無」而破「有」，於「有」得清淨，於「無」未清淨，以依止故。……

頁 201

十、十地

《大智度論》卷 75〈57 燈炷品〉(大正 25，585c28-586a25)：

「十地」²者，乾慧地等。整理論中說明，如下表：

乾慧地	聲聞	為涅槃故，勤精進，持戒心清淨；或習觀佛三昧，或不淨觀，或行慈悲、無常等觀，分別集諸善法、捨不善法。雖有智慧，不得禪定水，則不能得道，故名「乾慧地」(外凡位)
	菩薩	則初發心乃至未得順忍
性地	聲聞	從煖法乃至世間第一法(內凡位)
	菩薩	得順忍，愛著諸法實相，亦不生邪見，得禪定水
八人地	聲聞	從苦法忍乃至道比智忍，是十五心(初果向)
	菩薩	則是無生法忍，入菩薩位
見地	聲聞	初得聖果，所謂須陀洹果
	菩薩	則是阿鞞跋致地
薄地	聲聞	或須陀洹，或斯陀含，欲界九種煩惱分斷故(初、二果)
	菩薩	過阿鞞跋致地乃至未成佛，斷諸煩惱，餘氣亦薄
離欲地	聲聞	離欲界等貪欲諸煩惱，是名阿那含(三果)
	菩薩	離欲因緣故，得五神通
已作地	聲聞	得盡智、無生智，得阿羅漢(四果)
	菩薩	成就佛地
辟支佛地	辟支佛	先世種辟支佛道因緣，今世得少因緣出家，亦觀深因緣法成道，名「辟支佛」
菩薩地	從乾慧地乃至離欲地，如上說	
	復次，菩薩地——從歡喜地乃至法雲地，皆名「菩薩地」	
	有人言：從一發心來，乃至金剛三昧，名「菩薩地」	
佛地	一切種智等諸佛法，菩薩於自地中行具足，於他地中觀具足——二事具故名具足	

² 編案：《大智度論》中關於「十地」的說法，有三類：

一是〈發趣品〉中，只明修行內容，卻無立名目的十地。(簡稱「無名十地」)。

二是《十地經》中的十地，歡喜地至法雲地(簡稱「華嚴十地」)，不過，在《大智度論》內只有十地的名稱而已。

三是在〈燈柱品〉，言及共三乘的十地(簡稱「三乘共十地」)，比對大乘、二乘的階位，十地的內容也只是略說。

另參見：

(1) 《大智度論》卷 49〈20 發趣品〉(大正 25，411a25-b1)。

(2) 印順法師，《初期大乘佛教之起源與開展》，〈6 般若法義略論〉，pp.709～712。

(3) 慈律法師，〈《大智度論》中十地思想〉，頁 512～531，《福嚴佛學院第九屆學生論文集》，新竹，福嚴佛學院，2002 年 6 月出版。

〈22 勝出品〉

頁 202

十一、「已一、勝出歎」

《大智度論》卷 51〈22 勝出品〉(大正 25, 423c2-20)：

須菩提上以五事³問摩訶衍，佛已答竟。

須菩提歡喜讚歎，作是言：「世尊！是摩訶衍有大力勢，破壞人、天世間已，能於中勝出。」

譬如三人度惡道：一者、於夜逃遁，獨脫其身；二者、以錢求免；三者、如大王將大軍眾，摧破寇賊，舉軍全濟，無所畏難。

三乘亦如是——

如阿羅漢不能知一切總相、別相，亦不能破魔王，又不能降伏外道；厭老、病、死，直趣涅槃。

如辟支佛入諸法實相，深於聲聞，少有悲心，以神通力化度眾生；能破煩惱，不能破魔人及外道。

如菩薩從初發心，於一切眾生起大慈悲，雖未得佛，於其中間利益無量眾生；決定知諸法實相、具足六波羅蜜故，破諸魔王及壞外道；斷煩惱習，具足一切種智，總相、別相，悉知悉了，成阿耨多羅三藐三菩提。

三人雖俱免生死，然方便道各異。

是故須菩提讚歎摩訶衍：摧破一切世間，勝出人、天、阿修羅上。

頁 203

十二、「申一、勝出有為」

《大智度論》卷 51〈22 勝出品〉(大正 25, 424a1-9)：

如須菩提所說「摩訶衍，破壞一切世間，勝出人、天、阿修羅上」者，是事實爾。

何以故？是三界虛誑，如幻如夢，無明虛妄，因緣故有，因果無有定實，一切無常、破壞、磨滅，皆是空相。以摩訶衍與三界相違，故能摧破勝出。

若三界定實、常、不虛妄，是摩訶衍不能摧破勝出。何以故？力等故。

五眾、十二入、十八界、六觸生諸受亦如是。

³ 《正觀》第 6 期，p.139：《大智度論》卷 46〈18 摩訶衍品〉(大正 25, 393b2-5)：「爾時須菩提白佛言：世尊！^[1]何等是菩薩摩訶薩摩訶衍？^[2]云何當知菩薩摩訶薩發趣大乘？^[3]是乘發何處？是乘至何處？^[4]當住何處？^[5]誰當乘是乘出者？」

十三、「申二、勝出無為」

《大智度論》卷 51〈22 勝出品〉(大正 25, 424a9-19)：

若法性是有法、非無法者，摩訶衍不能破世間得勝出；須菩提！以法性非有故，摩訶衍能得勝出世間。

問曰：有為法，因緣和合虛誑故言無；如、法性、實際、不思議性，是無為實法，名為實際，云何言無？

答曰：無為空故言無。

復次，佛說：「離有為，無為法不可得；有為法實相即是無為法。」

復次，觀是有為法虛誑。如「如、法性、實際」是實；以人於法性取相起諍故，言「無法性」。或說「有」、或說「無」，各有因緣故無咎。

如、實際、不可思議性亦如是。

十四、性人法

《增壹阿含經》卷 40〈九眾生居品 44〉(大正 02, 767a19-22)：「今有九種之人，離於苦患。云何為九？所謂向阿羅漢、得阿羅漢、向阿那含、得阿那含、向斯陀含、得斯陀含、向須陀洹、得須陀洹、**種性人**⁴為九。」⁵

《舍利弗阿毘曇論》卷 8(大正 28, 585a14-20)：

云何性人？若人次第住凡夫勝法，若法即滅，上正決定，是名性人。

云何性人？若人成就性法。

何等性法？若無常、苦、空、無我，思惟涅槃寂滅，不定心，未上正決定如實人，若受、想、思、觸、思惟、覺、觀、見、慧解脫、無癡，順信、悅、喜、心進、信、欲、不放逸、念、意識界、意界，若如實身戒、口戒，是名性法。

若人此法成就，是名性人。

《大智度論》卷 75〈燈炷品 57〉(大正 25, 586a5-8)：

「性地」者，聲聞人，從煖法乃至世間第一法。

於菩薩，得順忍，愛著諸法實相，亦不生邪見，得禪定水。

印順法師，《如來藏之研究》，pp.64～65：

⁴ 《佛光阿含藏·增一阿含經（四）》，p.1507, n.1：「種性（gotrabhū），又作種姓地、向種姓者，具有顯現佛性種子之人，為證得三乘菩提之本性。四果聖者前修暖、頂、忍、世界第一法，**四善根之加行道之行者，名種姓人**，或種姓地，再上即得初果見道位。」

⁵ 另參見《增壹阿含經》卷 40〈九眾生居品 44〉(大正 02, 767b28-c4)。

從部派佛教以來，就有種性（gotra）一詞，或略譯為「性」。如《舍利弗阿毘曇論》，〈人品〉中立「性人」。《增壹阿含經》立九種人、四向、四果以前，有「種性人」。大乘十地說先後成立的共十地，第二為「性地」。

從修行的階位，立「性人」、「性地」，雖還沒有證入聖位、但已成出世法器，能入聖位。到了性地，一般以為決定不退了。但《異部宗輪論》說：大眾部（Mahāsāṃghika）等以為：「性地法皆可說有退」。⁶

如以世俗的種性來說，在入胎、誕生後，可能有夭折的；大乘所說的生在佛家，也有退與不退二類。所以發心趣求佛道的，都是佛種性所攝，不過起初還可能退失的。在佛種性中的菩薩，修行、成佛，以王子的一生為比喻。

頁 206

十五、「未二、別相明勝出意」

《大智度論》卷 51〈22 勝出品〉(大正 25，424a24-b10)：

問曰：從三十二相已後，何以不說言「摩訶衍勝出」？

答曰：應當說，直文煩故不說。

復次，三十二相乃至為眾生轉法輪亦是摩訶衍，但名字異耳。

復次，上總相說摩訶衍勝出，不知云何勝出；今別相說，所謂——

佛三十二相莊嚴身故，勝一切眾生；佛光明勝日月、諸天一切光明；

佛音聲勝一切音樂、世界妙聲、諸天梵音；

佛法輪勝轉輪聖王寶輪及諸外道一切法輪，無障無礙。餘法輪所利益微淺，或一世、二世，極至千萬世；佛法輪能令永入無餘涅槃，不復還入生死。

復次，若眾生實有者，佛不應令眾生入涅槃，永拔其根，此過於殺一身，有如是大咎；以眾生顛倒心見我故，佛欲破其顛倒，說言涅槃，無眾生可滅，故無咎。

有如是功德故，摩訶衍能勝出一切世間。

〈23 等空品〉

頁 208

十六、「午二、等空歎」

《大智度論》卷 51〈23 含受品〉(大正 25，425a15-b2)：

須菩提讚衍如虛空，佛即廣述成其事。

⁶ 世友造，玄奘譯《異部宗輪論》卷 1(大正 49，15c20-22)。

如虛空無十方，是摩訶衍亦無十方；無長短方圓、青黃赤白等，是摩訶衍亦如是。

問曰：虛空應爾，是無為法，無色、無方；摩訶衍是有為法，是色法——所謂布施、持戒等，云何言「與虛空等」？

答曰：六波羅蜜有二種：世間、出世間。

世間者，是有為法、色法，不同虛空。

出世間者，與如、法性、實際、智慧和合故，似如虛空。

從得無生忍已後，無所分別如虛空。

復次，如佛以無礙智，觀實相如虛空；餘人則不然，智慧未畢竟清淨故。

復次，佛前後說「諸法畢竟空，如無餘涅槃相，如虛空」，不應致疑。……

問曰：如虛空，言「無所有」便足，何以說無種種相？

答曰：初發心菩薩於內外種種因緣法中著心；以是故，佛說如虛空無是種種相，摩訶衍亦如是。

頁 209

十七、「西二、無三乘共地相」

《大般若波羅蜜多經》卷 418〈21 無所有品〉(大正 7，97c26-29)：「善現！又如虛空非有淨觀地、種姓地、第八地、具見地、薄地、離欲地、已辦地、獨覺地、菩薩地、如來地可得；大乘亦爾，非有淨觀地乃至如來地可得，故說大乘與虛空等。」

頁 211

十八、「午三、含受歎」

《大智度論》卷 51〈23 含受品〉(大正 25，426b14-c5)：

問曰：何以不說「虛空廣大無邊故受一切物」，而言「虛空無所有故能受一切物眾生，摩訶衍亦無所有」？

答曰：現見虛空無所有，一切萬物皆在其中，以無所有故能受。

問曰：我先問意不然！何以不言「虛空無量無邊能受一切物」，而言「無所有受一切物」？

答曰：我說虛空無自相，待色相說虛空；若無自相，則無虛空，云何言無量無邊？

十九、「申一、舉虛空為歎」

《大智度論》卷 51〈23 含受品〉(大正 25，426c27-427a4)：

如虛空因色故，但有假名，無有定法；眾生亦如是，因五眾和合故，但有假名，亦無定法。摩訶衍亦如是，以眾生空，無佛無菩薩；以有眾生故，有佛有菩薩；若無佛無菩薩，則無摩訶衍。

以是故，摩訶衍能受無量無邊阿僧祇眾生；若是有法，不能受無量諸佛及弟子。

二十、「申二、舉阿僧祇為歎」

《大智度論》卷 51〈23 含受品〉(大正 25, 427a4-23)：

問曰：若實無虛空，云何能受無量無邊阿僧祇眾生？

答曰：以是故，佛說：「摩訶衍無故，阿僧祇無；阿僧祇無故，無量亦無；無量無故，無邊亦無；無邊無故，一切法亦無，以是故能受。」

「阿僧祇」者，「僧祇」，秦言數；「阿」，秦言無。

眾生、諸法各各不可得邊故名「無數」。

數虛空十方遠近不可得邊，故名「無數」。

分別數六波羅蜜，種種布施、種種持戒等無有數；數幾眾生已上乘、當上乘、今上乘不可數，是名「無數」。

復次，有人言……

「無量」者，如以斗稱量物，以智慧量諸法亦如是。諸法空故無數，無數故無量無邊，無有實智，云何能得諸法定相？

無量故無邊——「量」名總相，「邊」名別相；「量」為初始，「邊」名終竟。

頁 214

二十一、「午四、無來去歎」

《大智度論》卷 51〈23 含受品〉(大正 25, 427c20-28)：

佛謂：「須菩提！汝何以但讚摩訶衍無來、無去、無住？一切法亦如是無來、無去、無住，一切法實相不動故。」

問曰：諸法現有來去可見，云何言「不動相」、「無來無去」？

答曰：來去相先已破，⁷今當更說。

一切佛法中，無我、無眾生，乃至無知者、見者故，來者去者無；來者去者無故，來去相亦應無。

復次，三世中求去相不可得。所以者何？已去中無去，未去中亦無去；離已去未去，去時亦無去。⁸

頁 215

二十二、「戌一、舉五蘊說」

《大智度論》卷 51〈23 含受品〉(大正 25, 428a13-24)：

「色」名眼見事，未分別好醜、實不實、自相他相。

⁷ 參見：《大智度論》卷 19(大正 25, 205b21-c21)。

⁸ 參見：

(1) 《中論》卷 1〈2 觀去來品〉(大正 30, 3c8-9)：「已去無有去，未去亦無去；離已去未去，去時亦無去。」

(2) 印順法師，《中觀論頌講記》，pp.84～85；《中觀今論》，pp.132～135。

「色法」名無常生滅、不淨等。

「色如」名色和合有，如水沫不牢固，離散則無，虛偽無實，但誑人眼。色現在如是，過去、未來亦爾。如現在火熱，比知過去、未來亦如是。

復次，如諸佛觀色相畢竟清淨空，菩薩亦應如是觀。色眼法、色如，何因緣不如凡夫人所見？性自爾故！

此性深妙，云何可知？以色相力故可知。如火以烟為相，見烟則知有火；今見眼色無常、破壞、苦惱、龜澁相，知其性爾。

此五法⁹不去、不來、不住，如先說。

頁 217

二十三、「申一、約法空義」

《大智度論》卷 51〈23 含受品〉(大正 25，429a5-26)：

是三世云何不可得？所謂過去世、過去世空，未來世、未來世空，現在世、現在世空，故不可得。三世等，等者空。

摩訶衍、摩訶衍自空；菩薩、菩薩自空。是三世中三世相空。空義，如先說。¹⁰

此中佛自說空因緣，所謂：「空、空相，非一、非二、非三、非四、非五等，不異、不合、不散，無有分別。」是故三世等空相無所有故，是等亦空。

菩薩能如是解諸法三世等，不以無始世來為疲厭，不以未來世無邊故為難，是為菩薩三世等名摩訶衍。

是摩訶衍中**等相**不可得，**不等相**亦不可得。得是三世等三昧，破是不等相。不等相待故有等，不等畢竟無故等亦無。

欲、不欲，乃至三界、度三界，是相待法亦如是。

此中佛自說：「是諸法皆從因緣和合故無自性，自性無故空。」

復次，過去色、過去色相空，未來、現在亦如是；如色，餘四眾亦如是。

所以者何？空中空相不可得，何況空中有三世五眾相！

菩薩觀五眾空，斷貪欲，入道行——所謂檀波羅蜜等，亦如是五眾三世中不可得。三世等故，等即是空，是等中檀波羅蜜不可得。……

二十四、「申二、約生空義」

《大智度論》卷 51〈23 含受品〉(大正 25，429a29-b1)：

復次，三世中，凡夫相不可得，聲聞乃至佛亦不可得，以眾生空故。

⁹ 參見：《正觀》第 6 期，p.141：「五法」指本段的色、色法、色如、色性、色相。

¹⁰ 參見：《正觀》第 6 期，p.140：《大智度論》卷 1（大正 25，65b5-66a17），卷 32（298b13-16），卷 33（302c27-303a7），卷 36（329a15-b26）。

〈9 集散品〉至〈26 無生品〉略科：¹¹

甲一、序分（〈1 序品〉，pp.1-11）

甲二、正宗分

乙一、般若道（〈1 序品〉～〈66 累教品〉，pp.11-644）

丙一、正明實相般若（〈1 序品〉～〈65 度空品〉，pp.11-635）

丁一、就法門明般若（〈1 序品〉～〈50 成辨品〉，pp.11-490）

戊一、顯正（〈1 序品〉～〈45 聞持品〉，pp.11-435）

己一、為三根人三周說般若體（〈1 序品〉～〈30 三歎品〉，pp.11-271）

庚一、佛對舍利弗為上根人略說般若（〈1 序品〉～〈5 歎度品〉，pp.11-66）

庚二、佛命須菩提為中根人廣說般若（〈6 舌相品〉～〈26 無生品〉，pp.67-244）

辛一、緣起（〈6 舌相品〉，pp.67-68）

辛二、正命說（〈7 三假品〉，pp.69-80）

辛三、須菩提奉命而說（〈8 勸學品〉～〈26 無生品〉，pp.81-244）

壬一、於說般若前稱歎勸學兼示巧學之方令虛心信受（〈8 勸學品〉，pp.81-85）

壬二、正明奉命為菩薩說般若（〈9 集散品〉～〈26 無生品〉，pp.81-243）

癸一、就三解脫門說般若（〈9 集散品〉～〈11 幻學品〉，pp.86-115）

子一、就空門說般若（〈9 集散品〉，pp.86-96）

子二、就無相門說般若（〈10 相行品〉，pp.97-106）

子三、就無作門說般若（〈11 幻學品〉，pp.107-115）

癸二、就稱歎門說般若（〈12 句義品〉～〈24 會宗品〉，pp.116-221）

子一、歎行法之人（〈12 句義品〉～〈16 乘乘品〉，pp.116-142）

⋮

已一、釋大誓莊嚴（〈15 辯才品〉，pp.132-136）

已二、釋發趣大乘（〈15 辯才品〉，pp.137-139）

已三、釋乘於大乘（〈16 乘乘品〉，pp.140-142）

子二、歎所行之法（〈17 莊嚴品〉～〈24 會宗品〉，pp.143-221）

丑一、騰富樓那初句取定於佛釋時眾疑（〈17 莊嚴品〉，pp.143-152）

丑二、牒後二句取定於佛釋時眾疑（〈18 問乘品〉～〈21 出到品〉，pp.153-201）

¹¹ 另參見厚觀法師編《大智度論講義》，卷 46，p.1316，n.66（3）：

《摩訶般若波羅蜜經》，〈9 集散品〉至〈26 無生品〉約可分四大部分：

壹、就三解脫門說般若：〈9 集散品〉、〈10 行相品〉、〈11 幻人無作品〉，見《大智度論》卷 42～卷 44。

貳、就「菩薩、摩訶薩」說般若：〈12 句義品〉、〈13 摩訶薩品〉、〈14 斷見品〉、〈15 大莊嚴品〉、〈16 乘乘品〉、〈17 無縛無脫品〉，見《大智度論》卷 44～卷 46。

叁、就摩訶衍義說般若：〈18 摩訶衍品〉、〈19 四念處品〉、〈20 發趣品〉、〈21 出到品〉、〈22 勝出品〉、〈23 含受品〉、〈24 會宗品〉，見《大智度論》卷 46～卷 52）。

肆、以（遣相門）無生門說般若：〈25 十無品〉及〈26 無生品〉，見《大智度論》卷 52～卷 53。

寅一、須菩提問乘

寅二、佛答釋乘

卯一、答所學法 (〈18 問乘品〉～〈21 出到品〉, pp.153-199)

辰一、答乘體問 (〈18 問乘品〉～〈19 廣乘品〉, pp.153-179)

巳一、略舉六度為乘體 (〈18 問乘品〉, pp.153-154)

巳二、廣明禪智萬行為乘義 (〈18 問乘品〉～〈19 廣乘品〉, pp.154-177)

午一、約禪智明 (〈18 問乘品〉, pp.154-166)

午二、約萬行明 (〈19 廣乘品〉, pp.167-177)

巳三、四十二字門明大乘之法無義不攝無名不收 (〈19 廣乘品〉, pp.177-179)

辰二、答發趣問 (〈20 發趣品〉, pp.180-195)

辰三、答始終問 (〈21 出到品〉, pp.196-198)

辰四、答住處問 (〈21 出到品〉, pp.198-199)

卯二、答能乘人 (〈21 出到品〉, pp.199-201)

寅三、須菩提稱歎摩訶衍如來述成 (〈22 勝出品〉～〈23 等空品〉, pp.202-219)

卯一、舉勝出等五義歎

辰一、須菩提正作五歎

辰二、如來述成

巳一、標歎乘體及義

巳二、廣述 (〈22 勝出品〉～〈23 等空品〉, pp.203-219)

午一、勝出歎 (〈22 勝出品〉, pp.203-207)

午二、等空歎 (〈23 等空品〉, pp.208-211)

午三、含受歎 (〈23 等空品〉, pp.211-214)

午四、無來去歎 (〈23 等空品〉, pp.214-216)

午五、三世等歎 (〈23 等空品〉, pp.216-219)

卯二、舉出生三世諸佛歎 (〈23 等空品〉, p.219)

寅四、會無二法除新學疑 (〈24 會宗品〉, pp.220-221)

癸三、就無生門說般若 (〈25 十無品〉～〈26 無生品〉, pp.222-243)

⋮

乙二、方便道 (〈67 無盡品〉～〈90 囑累品〉, pp.645-912)

丙一、正明方便因果大用 (〈67 無盡品〉～〈87 如化品〉, pp.645-881)

丙二、結勸修行 (〈88 常啼品〉～〈89 法尚品〉, pp.882-910)

丙三、明付囑流通方便般若 (〈90 囑累品〉, pp.911-912)